

Tasiilami uulianik immaarsiiviit amerlineqarnissaanik eqqaavinnillu matoqqasunik pilersitsisoqarnissaa pillugu aalajangiiffigisassatut siunnersuut.

Kommunalbestyrelsimut ilaasortap Mala Høy Kukop (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Mala Høy Kuko (S) novembarip 5-anni 2018

Kommunalbestyrelsimut aalajangiiffigisassatut Tasiilami uulianik immaarsiiviit amerlineqarnissaanik eqqaavinnillu matoqqasunik pilersitsisoqarnissaa pillugu siunnersuuteqarpoq.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Mala Høy Kukop (S) siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Mala Høy Kuko (S) novembarip 5-anni 2018

Kommunalbestyrelsimut aalajangiiffigisassatut Tasiilami uulianik immaarsiiviit amerlineqarnissaanik eqqaavinnillu matoqqasunik pilersitsisoqarnissaa pillugu siunnersuuteqarpoq.

Siunnersuuteqarnermut tunngavilersuut:

Tasiilaq Kalaallit Nunatsinni innuttamigut ineriatorfimikkut amerliartortut ilagivaat. Illoqarfiup ineriartortup takussutissat ilagivaat imaatigut angallateqarnerup sukkasuumik ineriartupiloorneranik. Aningaasanik atorniartarnerup pitsaanerusumik ammaassinerata kinguneranik angallaterpassuannngornikuunerat takuneqarsinnaavoq. Tasiilami umiatsianik talittarfeeqqat marluupput, massakkullu umiatsiarpasuit tattoqisaalluinnarlutik inissisimalersimapput. Innuttaasut angallataateqartut mootorimik uuliaannik taarsiissagaangamik namminneq isumagigajuttarpat, angallatertillu sissamut tinitseriarlugu isumagisarlugu. Taarseereernerup kinguneratigut uuliakoq uuliamut imaarsivimmut soorunalimi kuineqartarpoq, maangaannarmimi qimanneqarpat nunamut immamullu avatangiisimullu mingutitsilissammat uulia.

Ajoraluartumilli ukiuni kingullerni takussaagaluttuinnalerpoq Tasiilami uuliakunik imaarsiviit ulikkaavissornikut immaarneqarnissaminillu qaangiisoorsimasunik. Taamatut uuliakoofinnik uliakkaartoortoqarsimatillugu immaarsisoqarsimatinnagulu kingunerisarpaa uuliakoofiuq qaavanut aammalu sanianut dunkit uulianik imallit iliorarneqaannalersortarnerannik. Uuliakullu dunkinut immiunneqarnikut amerlanersaat ammaannartuukkajummata, sila silartulluni siallertillugu nunamut uuliakoq kuuginnalersoortarpoq. Taamaasillunilu mingutsitsineq nunamut piffimmik kusanaaqisoq pilersarluni.

Aasakkullu angallaviup nalaani turistit tikittuarterput, ajoraluartumillu turistit uuliakoq maangaannaq kuuttoq takujuarterpat. Turistillu nunamut tikitaminnut assiliivisartuuartuugamik suugaluanulluunniit assilisaminnik nunaminnut oqaluttuarisassaminnik assilisartik nassatarisarpaat. Taamaammat avataaniit tikeraat eqqarsaatigalugit, kusanartumillu takutitsissagutta tamakkua isumagilluarnissaat peqqissaartumillu isumannaartariaqarparput. Uagutsinnullu nanatta mingutsinneqannginnissaa pinaveersaartuassagutsigu iliuuseqarfigisariaqarparput.

Uanilu aamma pineqarpoq eqqaaviit taamatoqqinnaaq kinguneqartitsisartut. Tasiilamimi umiatsiat timaani eqqaaveqannginnera ajornartorsiutaavoq ukiuni arlalinni. Tassa angallatit amerliartornerat ilutigalugu eqqagassat maangaannaq iliorarneqartartut amerliartupiloorput. Anorlileraangallu maangaannaq teqqasernerat ajornartorsiortitsiuartarpoq, kiisalu sila kiatsillugu tippattarnerat takornartaajunnaarnikuuvoq, sivitsuuttumillu peerneqarsimanngikkaangata quperlunittarnerat aamma takornartaajunnaarnikuuvoq. Taamaammat aamma eqqaavimmik/nnik matoqqasunik pilersuisoqarnissaa angallatit tikiffiata eqqaanni pilersuisoqarnissaanik pilersitsioqartariaqarpoq.

Tunngavilersuutikka tunngavigalugit neriuppunga kommunalbestyrelse siunnersuutigisannut paasinnilluni akuerseqataajumaartoq.

Aaqqiissutissatut siunnersuut – suliatigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaqartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaqartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppernarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Borgmesterip Allatseqarfianit allaffissornikkut sularineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqartitsisoqanngilaq.

Ilanngussat

Soqanngilaq